

Ohiko
galderak



nare

Zein da NAREren helburua, Giza Eskubideen Defendatzaileak Babesteko Euskal Programa?

NARE elkartasun politikorako tresna bat da, eta giza eskubideen alde egiten duten lanagatik jazarpen eta mehatxu testuinguruetan lan egiten duten pertsonak eta kolektiboak babesten laguntzea du helburu.

Nori zuzenduta dago?

Giza eskubideen alde egiten duten lanagatik beren bizitza edo osotasuna arriskuan ikusten duten eta Euskadin erakunde aliatu bat duten erakunde, Gizarte mugimendu edo kolektiboek lotutako pertsonak.

Zergatik da beharrezkoa erakunde aliatu bat izatea Euskadin?

NARE lankidetzako eta elkartasuneko euskal erakundeek lanaren tresna osagarria da. Horiek dira arriskuan dauden erakundeak eta kolektiboak lantzen ari diren testuinguruak ezagutzendituztenak, eta haiek dira, elkarren ezagutza eta konfiantza horretatik abiatuta, Euskadiko defendatzaileen agenda politikoa lagunduko dutenak. Itzuleraren ondoren, hartutako pertsonen eta haien kolektiboen egoeraren jarraipena ezin izango litzateke egin EAEko erakundeek betetzenduten zeregina bete gabe; izan ere, prozesu horiekin batera jarraituko dute, komunikazio zuzena eta arina izaten, eta gerta daitezkeen arrisku egoeren berri emango diote NAREri.

Zergatik hitz egiten dugu giza eskubideen defendatzaile antolatuez?

NAREa heltzen diren pertsonak babesten lagundu nahi dugu, bai eta haien erakundeak eta kolektiboak ere. Defendatzaileek jasaten dituzten indarkerien helburu nagusia gizarte sarea haustea da, beldurra eta mesfidantzak sortuz. Babes kolektiboa indartzean, zailagoa da erasoak eta mehatxuak pertsonalizatzea, erresistentzia eta erakundeek bizitza eta giza eskubideak defendatzeko lanean jarraitzeko duten gaitasuna handituz.

Zer da babesa?

Pertsonak, elkarteak eta erakundeak bizitza eta lanerako espazio seguruak sortzeko eta zabaltzeko garatzen ditugun ekintzen multzoa. Integritate fisikoaren, digitalaren, emozionalaren edo espiritualaren aurkako mehatxuei aurre egiteko hainbat estrategia biltzen ditu, bai indibidualak, bai kolektiboak. Gure ustez, babesa ez da soilik mehatxurik eza, baizik eta pertsonen, komunitateen eta kolektiboen ongizatea, dimentsio guztiak kontuan hartuta.

Nola garatzen da NARE?

Herrialdetik aldi baterako irten eta Euskadin 6 hilabetez birkokatuz. Denbora horretan, eraginpolitikoa, laguntza psikoterapeutikoa eta hartutako pertsonen zaintza artikulatzen dugu, helburu bikoitzarekin:

- Nazioarteko laguntza-sareak zabaltzea eta indartzea, Euskadin, Espainiako Estatuan eta, hala badagokio, Europan agenda politiko instituzional eta asoziatiboa garatuz.
- Atsedean hartzeko eta indarberritzeko espazio fisiko eta emozional bat eskainuz, zaintza gure ekintza politikoaren erdigunean jartzearen alde eginez.

Nolakoa da programan sartzeko prozedura?

Urtero hilabeteko epea irekitzen da beste herrialde eta eskualde batzuekiko elkartasunean lanegiten duten euskal erakunde edo mugimendu sozialen bitartez bidaltzen diren hautagaitzak aurkezteko.

Aholku Batzordeak, bidalitako dokumentazioan eta arrisku eta genero irizpideetan oinarrituta, adostasunez erabakitzen du zein hiru pertsona harreratu diren.

Larrialdi egoerei ezin zaie beti erantzun, NAREk protokolo bat eta epeak dituelako. Normalean, deialdia irailean irekitzen da urtero, eta bisak kudeatzeko eta herrialdetik irteteko izapideen ondoren, pertsonak hurrengo urteko urtarril-otsailean ailegatzen dira Euskadira. Harrera, beraz, urteko lehen seihilekoan egiten da (6 hilabeteko egonaldia Euskadin).

Zein kolektiboei ematen zaie lehentasuna?

Ikuspegi feministatik, eta gaur egun arrisku handieneko egoeran dauden kolektiboei erreparatuta, lehentasuna ematen diegu erakunde feministetako emakumeei, LGTBQ+ pertsonen eskubideen alde lan egiten dutenei eta lurraren, lurraldearen eta ondasun komunaren alde lan egiten dutenei (nekazariak, indigenak eta afrikar ondorengoak).

Posible al da harrera seme-alabekin egitea?

Bai, ikuspegi feministatik, NAREk seme-alabak ardurapean dituzten emakumeei sarbidea erraztearen aldeko apustua egiten du.

Posible al da erakunde edo kolektibo bera behin baino gehiagotan aurkeztea?

Bai, erakunde edo kolektibo bera hainbat ediziotan aurkeztu daiteke.

Non bizi dira defendatzaileak?

Defendatzaileek etxebizitza partekatzen dute Bilboko hirian. Bakoitzak bere logela eta espazio komunak ditu: sukaldea, egongela eta komunak.

Harreratutako lankideen eta NAREn parte hartzen duten pertsona guztien arteko zaintza eta errespetua elkarbizitzarako oinarritzko araua da, eta Euskadin egon bitartean egin beharreko lan politikoaren funtsezko printzipioa. Ez da onartuko indarkeria matxistarik, sexistarik, homofoborik, lesfoborik, transfoborik, klasistarik edo arrazistarik.

Zeintzuk dira NAREn parte hartzen duten agenteak?

Eusko Jaurlaritzako Justizia eta Giza Eskubideen Saileko Giza Eskubideen eta Biktimen Arretarako Zuzendaritzak gidatuta, eLankidetzak-Lankidetzarako eta Elkartasunerako Euskal Agentziaren laguntza ere badu. Zehar-Errefuxiatuekin erakundeak egiten du koordinazio teknikoa.

Akademiako, lankidetzako eta giza eskubideetako euskal erakundeetako eta Eusko Legebiltzarrekokideek ere parte hartzen dute.

Horrez gain, babes integral feministako aditu baten eta arreta psikoterapeutikorako Psikologo Sare baten laguntza du.

Zalantzak dituzu? Informazio gehiago behar duzu?



EUSKO JAURLARITZA
GOBIERNO VASCO

JUSTIZIA ETA GIZA
ESKUBIDEEN SAILA
DEPARTAMENTO DE JUSTICIA Y
DERECHOS HUMANOS

Giza Eskubideen eta Biktimen Arretarako Zuzendaritza

Eusko Jaurlaritza

Telefona: (0034) 945 016 628

derechos-humanos@euskadi.eus

www.euskadi.eus/defensores-y-defensoras-de-los-derechos-humanos/web01-s1lehbak/es/



**LANKIDETZARAKO ETA
ELKARTASUNERAKO
EUSKAL AGENTZIA**
AGENCIA VASCA DE
COOPERACIÓN Y
SOLIDARIDAD

eLankidetzak

Elkartasunerako Euskal Agentzia – Eusko Jaurlaritza

Telefona: (0034) 945 018 087

agencia@elankidetzak.eus

www.elankidetzak.euskadi.eus

(zehar)
errefuxiatuekin

Zehar-Errefuxiatuekin

Telefona: (0034) 688 734 316 / (0034) 688 80 29 62

programa.proteccion@zehar.eus

www.zehar.eus/que-hacemos/defensoras-de-derechos-humanos/